



## Publicaziuns dalla vischnaunca, jamna 14

### Votaziuns communalas dils 14 d'avrel 2024

**L'urna principala** en casa communal a ei aviarta sco suonda:  
Dumengia, 14-4-2024, 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 12 d'avrel 2024, allas 14.00**, tier l'administraziun communal (tel. 081 920 36 36).

### Levgiament da votar

Mintga votant(a) ha la pussevliadad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (basegna negina francatura) ni directamein fierer en la scaffa da brevs dalla casa communal.

Ils cedels da votar ston esser sil pli tard la dumengia, ils 14 d'avrel 2024 allas 11.00 tier l'administraziun communal.

**Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.**

Suprastonza communal

---

### Damonda da baghegiar

**2024-1023.000**

**Datum dalla publicaziun: 5-4-2024**

Patrun: Tarcisi Maissen SA  
Via Resgias 16  
7166 Trun

Representant: Tarcisi Maissen SA  
Via Resgias 16  
7166 Trun

Intenziun: Cava da crap scalegl, explotaziun da crappa

Parcella: 2377

Adressa: Ragisch, Mumpé Medel

Zona: Zona agricola

Zona da prighel: Negina zona da prighel

### Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

---



---

## Introducziun dalla procedura da contribuziun concernent la sanaziun dalla cuvrida dalla Via Raveras (secunda publicaziun)

Tenor conclus dils 11 da mars 2024 intenda la suprastonza communal sebasond sin art. 63 dalla lescha davart il svilup dil territori pil cantun Grischun (LPT) ed art. 22 ss. dall'ordinaziun davart il svilup dil territori pil cantun Grischun (OPT) d'instradar en connex cun la sanaziun dalla cuvrida dalla Via Raveras las suandontas proceduras da contribuziun:

– Via Raveras, part vest:

Ovra suttamessa alla procedura cun intschess pertuccau tenor ils documents d'exposiziun, interessenza publica 70%, interessenza privata 30%

– Via Raveras, part ost:

Ovra suttamessa alla procedura cun intschess pertuccau tenor ils documents d'exposiziun, interessenza publica 70%, interessenza privata 30%. L'exposiziun publica ha liug naven dils 5 d'avrel entochen ils 6 da matg 2024 en casa communal (stanza nr. 10) duront las uras usitadas da spurtegl. Dils documents d'exposiziun (documents pdf) sa vegnir priu envesta en fuorma digitala sin [www.disentis.ch/downloads](http://www.disentis.ch/downloads).

Acts exponi:

– Text da publicaziun

– Plan culs intschess pertuccai, Raveras vest e Raveras ost

Encunter l'intenziun d'introducir questas proceduras da contribuziun, mintgamai igl intschess da contribuziun pertuccau sco era la cumpart dall'interessenza publica e dall'interessenza privata sa vegnir inoltrau protesta a scret alla suprastonza communal (art. 23 al. 1 OPT).

Disentis/Mustér, ils 5 d'avrel 2024

Suprastonza communal

---

## Zonas dil spazi d'aua

### **Gliendisdis, ils 29 d'avrel 2024 ha liug allas 20.15 en Halla Cons**

ina informaziun davart las zonas dil spazi d'aua. Ei setracta d'ina informaziun ch'ei drizzada specialmein als cultivaders ed allas cultivadras da terren sco era als possessurs ed allas possessuras da prau. A caschun dall'orientaziun vegn orientau davart la nova zona dil spazi d'aua ch'ei previda per liung da flums, dutgs, uals ed autras auas surterranas en vischnaunca. Tuttas e tuts cultivaders da terren sco era possessurs da prau ein envidai a quella sera d'orientaziun.

Departament d'agricultura Disentis/Mustér

---

### **Meglieraziun generala Disentis/Mustér – Lavurs da baghegiar 2024**

Ei decuors digl onn 2024 vegnan las vias nr. 32, Via Acletta Petschna, e nr. 45, Via Cunel da Casa, construidas.

Las vias ein per part carrablas cun impediments, la Via Acletta Petschna ei duront la construcziun dalla punt (uost) serrada per tut traffic. Las lavurs entscheivan la fin d'avrel e cuozan entochen la fin d'uost (via nr. 45) respectivamein la fin da settember (via nr. 32).

Per sclariments e coordinaziuns pertuccont igl access stat la survegionza dallas lavurs **Cavigelli inschigniers SA, Dario Capaul** (081 920 09 20) bugen a disposiziun

Nus engraziein a tuts pertuccai per la capientscha e pazienza duront il temps da baghegiar.

Cumissiuon da meglieraziun Disentis/Mustér  
Walter Deplazes, president



---

## Gesamtmelioration Disentis/Mustér – Bauarbeiten 2024

Im Jahr 2024 werden die Güterstrassen Nr. 32, Via Acletta Petschna, und Nr. 45, Via Cunel da Casa, gebaut. Während der Bauarbeiten ist mit Behinderungen und Wartezeiten zu rechnen. Die Via Acletta Petschna bleibt während des Baus der Brücke (August) für jeglichen Verkehr gesperrt. Die Bauarbeiten beginnen Ende April und dauern bis Ende August (Strasse Nr. 45) respektive Ende September (Strasse Nr. 32).

Für Auskünfte und Koordination der Befahrbarkeit steht die örtliche Bauleitung **Cavigelli Ingenieure AG, Dario Capaul** (081 920 09 20) gerne zur Verfügung.

Wir danken allen Betroffenen für das Verständnis und die Geduld während der Bauarbeiten.

Meliorationskommission Disentis/Mustér  
Walter Deplazes, Präsident

---

## Controlla da habitonts

### Mortoris

Werner Pfenninger, naschius ils 5 da november 1931, morts ils 25 da mars 2024

Yvette Vallarie Riesen-Osborne, naschida ils 13 d'october 1946, morta ils 30 da mars 2024

Administraziun communal Disentis/Mustér

---

## Rimnada da pupi

### Venderdis, ils 19-4-2024

Preziadas convischinas, prezias convischins. La rimnada da pupi digl avrel ha liug sco usitau. Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein **buca cartun**. Quel sa vegnir deponius a Raveras igl entir onn ora e buca duront la rimnada.

Bien engraziament per Vies agid e sustegn!

Nossa Scola populara Mustér, Ch. Berger

---

## Annunzia per la scola 2024/25

Ils affons da Mustér e Medel dall'annada 2019 san frequentar duront igl onn da scola 2024/25 igl emprum onn da scoletta.

**Per affons da lungatg jester ei la frequentaziun da dus onns scoletta obligatoria;** quei vala per tuts, che han in auter lungatg mumma / lungatg principal che il romontsch.

P.pl. annunziei Vies affon cun il formular sin nossa pagina d'internet [www.scoladisentis.ch/informaziuns/annunzia\\_scoletta](http://www.scoladisentis.ch/informaziuns/annunzia_scoletta) tochen il pli tard ils 12 d'avrel 2024.

Per damondas stat la meinascola bugen a disposiziun (081 936 44 25).

---



---

## Pleiv reformada dalla Cadi

### Invitaziun alla radunonza generala dalla pleiv reformada.

Mira sut pagina d'internet [www.auaviva-cadi.ch](http://www.auaviva-cadi.ch)

---

## Evangelisch-Reformierte Kirchgemeinde Cadi

**Ordentliche Kirchgemeindeversammlung, Sonntag, 14. April 2024** um 11.10 Uhr im Kirchgemeindezentrum AUA VIVA in Disentis.

Liebe Kirchgemeindemitglieder. Der Kirchgemeindevorstand lädt alle recht herzlich zu unserer Frühjahrsversammlung ein. Nach dem offiziellen Teil laden wir euch gerne noch zu einem kleinen Umtrunk ein!

### Traktanden:

1. Begrüssung
2. Wahl der Stimmezähler/Innen
3. Genehmigung des Protokolls der Kirchgemeindeversammlung vom 26.11.2023
4. Jahresbericht des Pfarramtes und des Vorstandes
5. Jahresrechnung der Kirchgemeinde 2023 sowie Bericht der Revisorin
6. Information Jahresbericht und Rechnung Fundaziun Tür auf - mo vinavon
7. Infos und Varia

Anträge zuhanden der Kirchgemeindeversammlung sind schriftlich bis spätestens am 1. April 2024 an die Ev.-ref. Kirchgemeinde der Cadi, z.H. des Präsidenten Hans Möckli, Via Davos Mustér 4, 7180 Disentis/ Mustér zu senden.

Der Kirchgemeindevorstand:

Hans Möckli, Jeannette Venzin, Susanne Strupler, Tina Bundi und Christian Gerber

---

## Biblioteca populara Disentis/Mustér e contuorn

### Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? **Venderdis, ils 12 d'avrel 2024** allas 14.30 legin nus avon e mussein vid ina gronda preit ils maletgs ord in cudisch da maletgs.

L'occurrenza ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna.

Nus selegrein zun fetg sin tei

Mats, la miur ed il team dalla biblioteca

---



---

### Club da pistola Cadi

**Invitaziun alla radunonza generala, sonda, ils 13-4-2024** allas 20.00 en l'ustria stan da sittar a Sarssut, Disentis/Mustér.

#### Tractandas

1. Beinvegni ed appel
2. Elecziun d'in dumbravuschs
3. Approbaziun dil protocol dalla radunonza generala 22.03.2019
4. Rendaquen, rapport dils revisurs ed approbaziun dil quen
5. Rapport dil president
6. Orientaziun da vart dalla comissiun da menaschi
7. Fixar las contribuziuns annualas
8. Programm da lavur
9. Elecziuns
10. Honoraziuns
11. Midadas da statutas e reglaments
12. Orientaziun dallas prescripziuns e menaschi da tir
13. Recepziun da novs commembers; abdicaziuns
14. Varia

Sperein sin buna participaziun.

En num dalla suprastonza  
Il president: Herby

Dis d'exerceci mintgamai las sondas et ils glendisdis naven dallas 18.30. Tuts possessurs da pistolas han la pussevlatad da sittar gl'obligaroti et il tir campester.

Termins campester: 13-5 / 24-5 / 25-5-2024  
Obligatori: 1-7 / 10-8 / 26-8-2024

Ulteriuras informaziuns survgnis el stand da tir Sars-Sut.

---

### Ludoteca Disentis/Mustér e contuorn

La proxima radunonza generala ha liug ils **11 d'avrel 2024** allas 18.30 en ludoteca. L'invitaziun cun la gliesta da tractandas ei publicada sin nossa pagina d'internet.

---



---

## MOVIS ed acrobatica/gimnastica Cadi

### Producziuns dils MOVIS ed acrobatica/gimnastica Cadi

Varga 120 affons, giuvenils e carschi da Tujetsch entochen Breil dall'Uniun da gimnastica Cadi presentan in vast program da gimnastica/acrobatica e sault alla tribuna dalla halla Cons a Mustér. Las diesch menadras ed in menader han preparau fetg variontas coreografias che vegnan accumpignadas da musica da tut gener.

Nus selegrein d'astgar beneventar Vus a caschun d'ina ni l'autra producziun:

**venderdis, ils 12-4-2024** allas 20.00

**sonda, ils 13-4-2024** allas 20.00

**dumengia, ils 14-4-2024** allas 14.00

### Aufführungen von MOVIS und acrobatica/gimnastica Cadi

Über 120 Kinder, Jugendliche und Erwachsene von Tujetsch bis Brigels des Turnvereins Cadi präsentieren ein breites Programm an Gymnastik/Akrobatik und Tanz auf der Bühne der Halle Cons in Disentis. Die zehn Leiterinnen und ein Leiter haben vielseitige Choreographien vorbereitet, welche durch Musik aller Art begleitet werden. Wie freuen uns, Sie an einer oder anderen Produktion begrüßen zu dürfen:

**Freitag, 12.4.2024** um 20 Uhr

**Samstag, 13.4.2024** um 20 Uhr

**Sonntag, 14.4.2024** um 14 Uhr

ils MOVIS ed acrobatica/gimnastica Cadi

---

## Vischinadi Mompé-Medel

**Radunonza generala d'il Vischinadi Mompé-Medel**, venderdis, ils 5 d'avrel 2024 allas 20.00 en «la scursalada »a Mompé-Medel.

### Tractandas:

1. Beinvegni
2. Elecziun d'in/a dumbravuschs
3. Prelecziun ed aprobaziun dil protocol
4. – Raport d'il cassier  
– Raport d'ils revisurs
5. Raport dil President
6. Elecziuns:  
– President/a  
– Actuar/a  
– Cassier/a  
– Revisur/a/s da quen
7. Contribuziun per «la pendenta»
8. Fiasta dil vitg Mompé-Medel
9. Varia

Suenter radunonza vegn offeriu in pushegn.

Cordialmein envida

la suprastonza

---